



ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

24 մարտի 2022 թվականի թիվ 40-Ա

ք. Երևան

«ՄՈ ԹԻՎԻ ՄԵԴԻԱ ՀՈԼԴԻՆԳ» ՓԲ ԸՆԿԵՐՈՒԹՅԱՆ ՆԿԱՏՄԱՍԲ ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ՝ Հանձնաժողով) ուսումնասիրելով 2022 թվականի փետրվարի 18-ին իր նախաձեռնությամբ հարուցված թիվ 6 վարչական վարույթի նյութերը՝ *պարզեց*.

Հանձնաժողովի կողմից «Տեսալսողական մեդիայի մասին» օրենքով (այսուհետ՝ Օրենք) վերապահված իր վերահսկողական գործառույթներն իրականացնելիս՝ Հեռարձակողի գործունեության մշտադիտարկման արդյունքում արձանագրել է տեսալսողական մեդիաձառայություն մատուցող «ՄՈ ԹԻՎԻ ՄԵԴԻԱ ՀՈԼԴԻՆԳ» ՓԲ ընկերության (այսուհետ՝ Հեռարձակող կամ Ընկերություն) կողմից «Նոր Հայաստան» տեսալսողական ծրագրի կողմից 2022 թվականի փետրվարի 15-ին եթերում Օրենքով և Հանձնաժողովի՝ 2021 թվականի հուլիսի 1-ի «Անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող տեսալսողական հաղորդումների որոշման չափորոշիչները սահմանելու մասին» թիվ 109-Ա (այսուհետ՝ Հանձնաժողովի թիվ 109-Ա որոշում) և «Էրտոիկ բնույթի տեսալսողական հաղորդումների և սարսափ ու ակնհայտ բռնություն պարունակող ֆիլմերի որոշման չափորոշիչները սահմանելու մասին» թիվ 110-Ա (այսուհետ՝ Հանձնաժողովի թիվ 110-Ա որոշում) որոշումներով ամրագրված՝ արգելված ժամանակահատվածում տեսալսողական հաղորդումների հեռարձակման սահմանափակումների խախտում:

Հանձնաժողովը ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի բ) կետով՝ 2022 թվականի փետրվարի 18-ին Հեռարձակողի նկատմամբ հարուցել է վարչական վարույթ՝ հիմք ընդունելով Հանձնաժողովի կողմից Հեռարձակողի գործունեության մշտադիտարկման արդյունքների հիման վրա 2022 թվականի փետրվարի 18-ին կազմված մշտադիտարկման իրականացման և արդյունքների վերաբերյալ արձանագրությունը, որն Օրենքի 42-րդ հոդվածի 18-րդ մասի համաձայն՝ հիմք է հանդիսանում վարչական վարույթ հարուցելու

համար, իսկ հարուցված վարչական վարույթի շրջանակներում ծառայում է որպես վարչական վարույթի ապացույց:

Ըստ կազմված արձանագրության՝ Հեռարձակողի «Նոր Հայաստան» տեսալսողական ծրագրի 2022 թվականի փետրվարի 15-ի եթերում հեռարձակված՝

«Վրիժառու 2» ֆիլմը (ֆիլմի տևողությունը՝ 23:31:50-00:13:13) պարունակում է բռնության տեսարաններ. երեք չափահասների կողմից հոգեբանական և ֆիզիկական բռնություն անչափահասի նկատմամբ, մասնավորապես՝ մազերի քաշքշոց, ֆիզիկական հաշվեհարդարի սպառնալիքներ (23:33:45-23:35:30 ընկած ժամանակահատվածում):

Ֆիլմի ընթացքում հնչում է նաև հայհոյախոսություն՝ անզլերեն և հայերեն լեզուներով, մասնավորապես՝ «...fuck, fuck piece of shit...» (23:56:36), «...fucking stupid...» (23:56:42), «...fucking asshole...» (23:56:48), «...վայ ես քու մամայիդ բերանը...» (23:56:50):

Հանձնաժողովը, 2022 թվականի փետրվարի 18-ին հարուցված վարչական վարույթի մասին, ծանուցել է Հեռարձակողին և հայտնել, որ այս հարցի վերաբերյալ վերջինս կարող է ներկայացնել իր պարզաբանումները և բացատրությունները:

Հարուցված վարչական վարույթի ընթացքում Հեռարձակողը 2022 թվականի մարտի 22-ին Հանձնաժողով ներկայացված իր պարզաբանումներում, հայտնում է այն մասին, որ «Վրիժառու 2» հեռուստաֆիլմի հետ կապված վրիպումը եղել է տեխնիկական խնդրի պատճառով, նախապես կեսգիշերից հետո պլանավորած ֆիլմը ցուցադրվել է 25 րոպե շուտ»:

Հեռարձակողն իր պարզաբանման մեջ հայտնում է նաև որ հեռուստաֆիլմը մշտապես եթեր հեռարձակվելուց առաջ մշտադիտարկվել է իրենց կողմից և վերամոնտաժվել են «Տեսալսողական մեդիայի մասին» օրենքի 9-րդ հոդվածի 3-րդ մասի պահանջի համաձայն արգելվող բոլոր տեսարանները, իսկ ծանուցումից հետո հեռուստաֆիլմն առավել ուշ է ցուցադրվում եթերում:

Հեռարձակողն իր պարզաբանման մեջ խնդրել է նաև ներողամտորեն մոտենալ այս հարցին՝ հաշվի առնելով, որ վրիպումը եղել է տեխնիկական խնդրի պատճառով:

Հանձնաժողովի հիմնավորումները (պատճառաբանությունը) և եզրահանգումը.

Վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն ամրագրում է հետևյալը.

Օրենքի 32-րդ հոդվածի 1-ին մասի 14-րդ կետի համաձայն՝ Հանձնաժողովը՝ իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին մասի համաձայն՝ Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով, իսկ նույն հոդվածի 8-րդ և 9-րդ մասերը սահմանում են՝

«8. Մշտադիտարկման արդյունքներով կարգավորող պետական մարմնի ներկայացուցիչը մշտադիտարկման արդյունքների վերաբերյալ կազմում է արձանագրություն»:

9. Մշտադիտարկման արդյունքների վերաբերյալ արձանագրության մեջ նշվում են մշտադիտարկման արդյունքների համառոտ շարադրանքը, ինչպես նաև վարչական վարույթ հարուցելու կամ հարուցված վարչական վարույթի համար էական նշանակություն ունեցող բոլոր փաստական հանգամանքները, այդ թվում՝ վարույթի մասնակիցների օգտին առկա հանգամանքները»:

Օրենքի 9-րդ հոդվածի 3-րդ մասը սահմանում է՝ «Էրոտիկ բնույթի տեսալսողական հաղորդումները և սարսափ ու ակնհայտ բռնություն պարունակող ֆիլմերը, ինչպես նաև անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող հաղորդումները կարող են եթեր հեռարձակվել ժամը 24:00-6:00-ն: Նման հաղորդումների որոշման չափորոշիչները սահմանում է կարգավորող պետական մարմինը»:

Հիմք ընդունելով Օրենքի 9-րդ հոդվածի 3-րդ մասը, Հանձնաժողովի թիվ 109-Ա որոշումը սահմանում է անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող տեսալսողական հաղորդումների չափորոշիչները:

Հանձնաժողովի թիվ 109-Ա որոշման հավելվածի 2-րդ մասի 2-րդ և 11-րդ կետերը սահմանում են.

«2. Անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող են համարվում այն տեսալսողական հաղորդումները, որոնք՝

2) ցուցադրում են բռնություն (հոգեբանական, ֆիզիկական, սեռական և այլն) պարունակող կադրեր (նվազագույնը՝ առանց դատապարտելու բռնությունը) կամ խրախուսում են բռնի գործողությունները մարդկանց կամ կենդանիներ հանդեպ,

11) պարունակում են գրեհկաբանություն և հայհոյախոսություն»:

Հանձնաժողովի թիվ 110-Ա որոշման հավելվածի 3-րդ մասի 1-ին և 2-րդ կետերը սահմանում են.

Սարսափ ու ակնհայտ բռնություն պարունակող են համարվում այն ֆիլմերը, որոնք ցուցադրում են՝

«1) վախի, տազնապի, անելանելիության զգացում հարուցող կամ սուկում առաջացնող տեսարաններ կամ ձայնաշար,

2) մարդկանց, ինչպես նաև կենդանիների խոշտանգումների, կտտանքների ենթարկելու, ֆիզիկական կամ հոգեկան ցավ պատճառելու, խոշտանգված մարմինների մանրամասների և արյունահեղ տեսարաններ»:

Փաստում ենք նաև, որ Հեռարձակողը Հանձնաժողովի կողմից լիցենզավորված իրավաբանական անձ է, որը կազմում և սպառողին է ներկայացնում տեսալսողական տեղեկատվություն և խմբագրական պատասխանատվություն է կրում տեսալսողական արտադրանքի բովանդակության համար և պարտավոր է պահպանել տեսալսողական մեդիայի բնագավառը կարգավորող օրենսդրության պահանջները, իսկ օրենքի դրույթները խախտելու դեպքում կրել պատասխանատվություն օրենքով սահմանված կարգով, ուստի, օրենքի պահանջի չկատարումն ինքնին բերում է պատասխանատվության:

Հեռարձակողը պետք է հաշվի առնի, որ օրենքներով հստակ սահմանվում են իրավական նորմեր, որոնց չպահպանելը առաջացնում են իրավական հետևանքներ և Հեռարձակողը պատասխանատվություն է կրում տեսալսողական մեդիայի ոլորտը կարգավորող օրենսդրության կիրառման ապահովման համար և տվյալ դեպքում Հեռարձակողը պարտավոր էր պահպանել Օրենքի 9-րդ հոդվածի 3-րդ մասում ամրագրված հետևյալ սահմանափակումը՝ (...) **ակնհայտ բռնություն պարունակող ֆիլմերը, ինչպես նաև անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող հաղորդումները եթեր չեն կարող հեռարձակվել որոշակի ժամերին՝ 6:00-ից մինչև 24:00-ն ընկած ժամանակահատվածում:**

Հանձնաժողովն ուսումնասիրելով վարչական վարույթի նյութերը, վարչական վարույթի ընթացքում ձեռք բերված փաստերը՝ ուսումնասիրության արդյունքում արձանագրում է, որ Հեռարձակողի «Նոր Հայաստան» տեսալսողական ծրագրի կողմից 2022 թվականի փետրվարի 15-ին ցուցադրված «Վրիժառու 2» (ֆիլմի տևողությունը՝ 23:31:50-00:13:13) ֆիլմը պարունակում է բռնության տեսարաններ. երեք չափահասների կողմից հոգեբանական և ֆիզիկական բռնություն անչափահասի նկատմամբ, մասնավորապես՝ մազերի քաշքշոց, ֆիզիկական հաշվեհարդարի սպառնալիքներ (23:33:45-23:35:30 ընկած ժամանակահատվածում): Ավելին ֆիլմի ընթացքում հնչում է նաև հայհոյախոսություն՝ անգլերեն և հայերեն լեզուներով, մասնավորապես՝ «...**fuck, fuck piece of shit...**» (23:56:36), «...**fucking stupid...**» (23:56:42), «...**fucking asshole...**» (23:56:48), «...**վայ ես քու մամայիդ բերանը...**» (23:56:50)»:

Մինչ Ընկերության դիրքորոշմանն անդրադառնալը հարկ ենք համարում հայտնել նաև հետևյալը: Մասնավորապես, ինչ էլ ասել **գոեհկարքանություն և հայհոյախոսություն:**

Այսպես, Էդուարդ Աղայանի **«Արդի հայերենի բացատրական բառարան»**-ի համաձայն¹

«Գոեհկարքանություն՝ գ. 1. Գրական լեզվի մեջ գոեհիկ բառեր ու արտահայտություններ գործածելը: 2. Գրական լեզվի մեջ մուտք գործած՝ գործածված գոեհիկ բառ, արտահայտություն»:

Ինչպես տեսնում ենք վկայակոչված բառի բացատրությունից՝ եթերում գրական լեզվով խոսելու կամ գրական լեզվով որևէ տեքստ հրապարակելուց որևէ անձ կարող է գործածել գոեհիկ բառեր: Այսինքն, ստացվում է, որ գրական լեզվով հաղորդակցվելու ընթացքում Ընկերությունը ևս կարող էր ցուցադրել կամ հրապարակել տեսանյութ կամ որևէ պաշտոնական պարզաբանում, որոնք իրենց բնույթով գոեհիկ բառեր էին՝ պարզապես գրական լեզվում գործածված:

Վկայակոչված բառարանի համաձայն.²

«Հայհոյախոսություն՝ գ. 1. Հայհոյախոս լինել: 2. հայհոյանք»:

¹http://www.nayiri.com/imagedDictionaryBrowser.jsp?dictionaryId=24&dt=HY_HY&query=%D5%A3%D5%BC%D5%A5%D5%B0%D5%AF%D5%A1%D5%A2%D5%A1%D5%B6%D5%B8%D6%82%D5%A9%D5%B5%D5%B8%D6%82%D5%B6

²http://www.nayiri.com/imagedDictionaryBrowser.jsp?dictionaryId=24&dt=HY_HY&query=%D5%B0%D5%A1%D5%B5%D5%B0%D5%B8%D5%B5%D5%A1%D5%AD%D5%B8%D5%BD%D5%B8%D6%82%D5%A9%D5%B5%D5%B8%D6%82%D5%B6

Ամփոփելով Էդուարդ Աղայանի բացատրական բառարանի վկայակոչումները՝ մենք կարող ենք ասել, որ Հանձնաժողովի «Անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող տեսալսողական հաղորդումների որոշման չափորոշիչները սահմանելու մասին» թիվ 109-Ա որոշման հավելվածի 2-րդ մասի 11-րդ կետով սահմանված պահանջը նշանակում է, որ արգելվում է մինչև 24:00-06:00 ցուցադրել այնպիսի հաղորդումներ, որոնք իրենց մեջ պարունակում են.

ա) գրական լեզվի մեջ գործածված գոեհիկ բառեր

բ) հայհոյախոս լինել կամ հայհոյանք:

Վկայակոչված բառերի թարգմանություններին և բացատրություններին անդրադառնալու կարիք չկա, քանի որ արձանագրության մեջ նշված օտարալեզու բառերը հանրահայտ հայհոյախոսություններ են, որոնք բոլորին է հայտնի: Իսկ ի՞նչ է վերաբերվում է «... վայ ես քո մամայիդ բերանը...» արտահայտությանը, ապա հարկ ենք համարում նշել, որ սա հայ հասարակության մեջ տարածված հայհոյախոսություն է, որն իրենից ներկայացնում է գերադրական աստիճան:

Ստացվում է, որ վկայակոչված բառերը, որքան էլ որ գրական լեզվում կարող են կիրառվել կամ ներ են թափանցել գրական լեզու՝ միևնույն է խոսակցական իմաստով դրանք հայհոյանքներ են, որոնք համամարդկային սկզբունքներով շարժվող մարդիկ խուսափում կամ առհասարակ չեն գործածում անչափահասների ներկայությամբ: Իսկ խուսափում, ինչպես նաև չեն գործածում, քանի որ գիտակցում են, որ սույն բառերն իրենց բնույթով, բովանդակությամբ և/կամ բացատրությամբ պարունակում են գոեհիկ իմաստ, և մշտապես հանդես են գալիս որպես հայհոյանք: Անչափահասների իրավունքների պաշտպանության համատեքստում էլ 2021 թվականի հուլիսի 01-ին Հանձնաժողովը կայացրել է թիվ 109-Ա որոշումը:

Հանձնաժողովը, վերլուծելով և գնահատելով սույն գործի հետ կապված փաստական հանգամանքները, խիստ կարևոր է համարում նաև այն հանգամանքը, որ որոշակի ժամերին անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող հաղորդումների հեռարձակման արգելքն ըստ էության կապված է հանրային շահի հետ, որը տվյալ դեպքում, ինչպես նաև ընդհանրապես՝ իր մեջ ներառում է անչափահասների առողջությունը, մտավոր ու ֆիզիկական զարգացման վրա հնարավոր բացասական ազդեցությունից պահպանումը:

Առկա են բազմաթիվ հետազոտություններ, որոնք փաստում են, որ մեղիայում առկա գոեհիկաբանությունն ու հայհոյախոսությունն ազդում են հասարակության, հատկապես անչափահասների տրամադրության, սպասումների և առհասարակ կերպի վրա, այնուամենայնիվ տեսալսողական մեղիաձառայություն մատուցողները շարունակում են ցուցադրել այդպիսի հաղորդումներ: Ուստի անհրաժեշտ է մշակել և գործարկել մեխանիզմներ՝ ժամանակակից աշխարհի հաճախ անվերահսկելի տեղեկատվական հոսքերի պայմաններում երեխաներին հակաբարոյական, նրանց լիարժեք ու ներդաշնակ զարգացմանը սպառնացող տեղեկատվության տարածումից հնարավորին զերծ պահելու համար:

Հարկ է նշել, որ միջազգային պրակտիկայում ևս անդրադարձ կա հանրային բարոյականության և, մասնավորապես, անչափահասների բարոյական դաստիարակության և այդ հարցերում պետության դերին՝ իրավաչափ համարելով կարգավորող մարմնի միջամտությունը խոսքի ազատությանը՝ ի շահ հանրային բարոյականության և, մասնավորապես, անչափահասների բարոյական և բնականոն զարգացման պաշտպանության:

«Երեխայի իրավունքների մասին» կոնվենցիայի (ՄԱԿ, 1989թ.) դրույթներն արտացոլված են նաև «Երեխայի իրավունքների մասին» ՀՀ օրենքում: «Երեխայի իրավունքների մասին» ՀՀ օրենքի 18-րդ հոդվածի վերջին պարբերությունը սահմանում է՝ արգելվում է երեխայի առողջության, մտավոր և ֆիզիկական զարգացման, դաստիարակության վրա բացասական ազդեցություն ունեցող, բռնության և դաժանության պաշտամունք քարոզող, մարդկային արժանապատվությունը նսեմացնող, ընտանիքը վարկաբեկող, իրավախախտումներին նպաստող զանգվածային տեղեկատվության և գրականության տարածումը:

Հատկանշական է նաև այն փաստը, որ Հեռարձակողն ընդունում է իրավախախտման փաստը, սակայն նշելով որ այն տեղի է ունեցել տեխնիկական խնդրի պատճառով, սակայն դա բավարար չէ իրավախախտման փաստը բացառելու և Հեռարձակողի նկատմամբ պատասխանատվության միջոց չկիրառելու համար:

Այսպիսով, Հանձնաժողովի կողմից վարչական վարույթի նյութերի ուսումնասիրության արդյունքում արձանագրվել է Հեռարձակողի կողմից իրականացված իրավախախտում, որը համապատասխանում է Օրենքի 57-րդ հոդվածի 12-րդ մասի հատկանիշներին:

Օրենքի 32-րդ հոդվածի 1-ին մասի 11-րդ կետի համաձայն՝ կարգավորող պետական մարմինը՝ Օրենքի խախտման կամ իր որոշումները չկատարելու դեպքում կիրառում է պատասխանատվության միջոցներ:

Օրենքի 55-րդ հոդվածի 1-ին մասի համաձայն՝ կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց մասին կարգավորող պետական մարմնին գրավոր տեղեկացվելու դեպքում կարգավորող պետական մարմինը կիրառում է հետևյալ վարչական տույժերը.

- 1) *գրավոր նախազգուշացում,*
- 2) *տուգանք,*
- 3) *հեղինակագորման կամ լիցենզիայի գործողության կասեցում,*
- 4) *հեղինակագորման կամ լիցենզիայի գործողության դադարեցում:*

Օրենքի 57-րդ հոդվածի 12-րդ մասի համաձայն՝ Էրոտիկ բնույթի տեսալսողական հաղորդումները և սարսափ ու ակնհայտ բռնություն պարունակող ֆիլմերը, ինչպես նաև անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող տեսալսողական հաղորդումների եթեր հեռարձակման պահանջները խախտելը՝

առաջացնում է տուգանքի նշանակում՝ Հասույթի 0.02 տոկոսի, բայց ոչ պակաս, քան սահմանված նվազագույն աշխատավարձի չորսհարյուրապատիկի չափով:

Ելնելով վերոգրյալից և ղեկավարվելով «Տեսալսողական մեղիայի մասին» օրենքի 9-րդ հոդվածի 3-րդ մասով, 32-րդ հոդվածի 1-ին մասի 11-րդ և 14-րդ կետերով, 55-րդ հոդվածի 1-ին մասի 2-րդ կետով, Հանձնաժողովի «Անչափահասների առողջության, մտավոր և ֆիզիկական զարգացման, դաստիարակության վրա հնարավոր բացասական ազդեցություն ունեցող տեսալսողական հաղորդումների որոշման չափորոշիչները սահմանելու մասին» թիվ 109-Ա որոշման Հավելվածի 2-րդ մասի 2-րդ և 11-րդ կետերը, «Էրոտիկ բնույթի տեսալսողական հաղորդումների և սարսափ ու ակնհայտ բռնություն պարունակող ֆիլմերի որոշման չափորոշիչները սահմանելու մասին» թիվ 110-Ա որոշման հավելվածի 3-րդ մասի 1-ին և 2-րդ կետերը և հիմք ընդունելով «Տեսալսողական մեղիայի մասին» օրենքի 57-րդ հոդվածի 12-րդ մասը՝ Հեռուստատեսության և ռադիոյի հանձնաժողովը **որոշեց.**

1. «ՄՈ ԹԻՎԻ ՄԵԴԻԱ ՀՈԼԴԻՆԳ» ՓԲ ընկերության նկատմամբ կիրառել «Տեսալսողական մեղիայի մասին» օրենքի 57-րդ հոդվածի 12-րդ մասով սահմանված տույժը՝ տուգանելով սահմանված նվազագույն աշխատավարձի չորսհարյուրապատիկի չափով:

2. Սույն որոշումն ուժի մեջ է մտնում, այն «ՄՈ ԹԻՎԻ ՄԵԴԻԱ ՀՈԼԴԻՆԳ» ՓԲ ընկերությանը, պատշաճ ձևով, հանձնելու օրվան հաջորդող օրվանից:

3. Սույն որոշումը կարող է բողոքարկվել ՀՀ վարչական դատարան՝ ուժի մեջ մտնելու օրվանից երկամսյա ժամկետում:

ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ

ՀԱՆՁՆԱԺՈՂՈՎԻ ՆԱԽԱԳԱՀ

Տ. ՀԱԿՈԲՅԱՆ

24 մարտի 2022թ.

ք. Երևան